

Ushbu xabarni ko'rishda muammoga duch kelgan bo'lsangiz, ushbu [havola](#) bo'yicha o'ting



Axborot xabarnomamizning o'ninchi soniga xush kelibsiz!

E'tiboringizga [Yevropa Ittifoqi](#) (YI)ning [Xalqaro Savdo Markazi](#) (XSM) tomonidan amalga oshirilayotgan "[O'zbekistonning JSTga a'zo bo'lishi jarayoniga ko'maklashish](#)" loyihasi bo'yicha axborot xabarnomamizning o'ninchi sonini taqdim etishdan mamnunmiz. Loyihamiz O'zbekistonni [Jahon Savdo Tashkiloti](#) (JST)ga a'zo bo'lish jarayonida qo'llab-quvvatlashga qaratilgan. JSTga a'zo bo'lish mamlakatga o'z iqtisodiyotini modernizatsiyalashda hamda jahon iqtisodiyotiga integratsiya qilishda yordam beradi.

Ushbu sonda 2023-yilning yanvar va mart oylari oralig'idagi chorakda O'zbekistonga ko'rsatilgan texnik ko'mak to'g'risida ma'lumot beriladi. Chorak mobaynida amalga oshirilgan ishlar qatorida XSM O'zbekistonlik mansabdor shaxslariga JST ko'p tomonlama muzokarasida, xususan, 2023-yil 14-mart kuni bo'lib o'tgan ishchi guruh (IG)ning 6-yig'ilishida qatnashishiga ko'mak ko'rsatdi. Shuningdek maxsus iqtisodiy zonalar (MIZ)ga tegishli qonunlarning tahlili borasida muayyan ish qilindi. Ushbu chorak davomida tijorat huquqi bo'yicha maxsus tuzilgan kurs bo'yicha Toshkentdagi [Jahon iqtisodiyoti va diplomatiya universiteti](#) (JIDU)da o'tilgan darslar asosiy diqqatga sazovor voqea bo'ldi. Hozirda u bakalavriat dastularida o'tiladigan to'laqonli modulga aylandi. Ushbu chorakda xususiyl sektorga qaratilgan o'quv seminarlarining ikkinchi turkumi boshlab yuborildi, bu gal ular JSTning qishloq xo'jaligi sohasidagi talablari kabi muhim mavzuda bo'ldi.

Ushbu son RUS va INGLIZ tillarida ham mavjud.

Loyihamiz haqida batafsil ma'lumot veb-saytlarimizda [ingliz](#), [rus](#) and [o'zbek](#) tillarida mavjud.

Barcha savollar bo'yicha quyidagi elektron pochta manziliga murojaat qiling:

WTOAccessionUZB@intracen.org

Biz bilan aloqada bo'ling: #WTOAccessionUZB

O'qishdan zavq olishingizni tilab qolamiz!

Jamoamizdan IZOH:

(Ing)

Kindly note that you have been included in the mailing list of our newsletter following your participation to one of our events. If you wish to unsubscribe, you can do so [here](#).

(RUS)

Обращаем внимание, что вы были включены в список нашей новостной рассылки по итогам участия в одном из наших мероприятий. Если вы хотите отказаться от рассылки, пожалуйста, [пройдите по этой ссылке](#).

(O'ZB)

Siz axborotnoma pochta ro'yxatimizga tadbirlarimizning birida ishtirok etganligingiz natijasida kiritilganligingizni eslatib o'tamiz. Ushbu obunani bekor qilmoqchi bo'lsangiz, keltirilgan havola orqali uni rad qilishingiz mumkin.

BAJARILGAN ISHLAR VA ERISHILGAN YUTUQLAR

Loyihamiz bir qator maqsadlarga erishishga qaratilgan:

	O'zbekiston hukumati JSTga a'zo bo'lish jarayoni talablariga muvofiq hujjatlarni tayyorlash to'g'risida va muzokaralar olib borish pozitsiyasini ishlab chiqish haqida ko'proq ma'lumotga ega bo'ladi.
	Ijro etuvchi va qonun chiqaruvchi hokimiyat tarmoqlari O'zbekistonning yangi xalqaro majburiyatlariga muvofiq talab qilinadigan ayrim tarmoq qonunlar va me'yoriy-huquqiy hujjatlarini (MHH) ishlab chiqish to'g'risida to'liqroq axborotga ega bo'ladi.
	Savdo siyosatini ishlab chuquvchi davlat xizmatchilarining JSTga a'zo bo'lish jarayoni hamda tashkilotning huquqiy asoslari to'g'risida xabardorligi oshiriladi.
	O'zbekiston JST qoidalarini, xususan JSTning SFS/STT bitimlari va savdo tartiblarini osonlashtirish to'g'risidagi bitimni bajarish bo'yicha tayyorgarlik darajasini oshiradi.
	XSM amalga oshirayotgan ish JSTga a'zo bo'lish jarayoni va a'zolik afzalliklari to'g'risida biznes sohasi, jumladan, ayol ishbilarmonlar uyushmalari o'rtasida xabardorlikni oshirishga yordam beradi.

Faoliyatimiz va bugunga qadar erishgan yutuqlarimizni yaxshiroq tushunishingiz uchun biz ularni loyihamiz doirasida amalga oshirilishi kerak bo'lgan 5 maqsaddan kelib chiqib quyida berilgan toifalarga ajratdik.

1-MAQSAD

A'zo bo'lish uchun zarur bo'lgan hujjatlarni tayyorlashda va muzokara pozitsiyasini ishlab chiqishda axborot ko'magi

[JST](#)ga a'zo bo'lish jarayonida qo'shilayotgan mamlakat o'z savdo va iqtisodiy tartiblarini JST a'zolariga ma'lum qilishi lozim. So'ng ma'lumot a'zolik shartlari to'g'risida muzokara olib borish uchun asos sifatida qo'llaniladi. Ushbu ko'p tomonlama muzokara Ishchi guruh yig'ilishlari zahirida yuz beradi. Loyiha ushbu jarayonda O'zbekistonga ko'maklashadi. 2023 yil, 14 mart kuni Ishchi guruhning 6-yig'ilishi bo'lib o'tdi, u qo'shilish jarayonini yangi bosqichga ko'tarishga yordam ko'rsatdi. Tadbirni tayyorlash jarayonida

yanvar oyida qator ikki tomonlama uchrashuvlar bo'lib o'tdi. Bundan tashqari Investitsiya, sanoat va savdo vazirligi (ISSV)dan uch mansabdor shaxslarning transport xarajatlarini qoplash orqali 2023 yil yanvarda, Jenevada bo'lib o'tgan ikki tomonlama uchrashuvlarda qatnashishiga ko'maklashdi. Shuningdek, loyiha hisobidan yetti nafar mansabdor shaxslarning JSTda mart oyidagi Ishchi guruh yig'ilishida qatnashish safari xarajatlari moliyalashtirildi.

2-MAQSAD

O'zbekistonning milliy savdo siyosatini JSTga a'zo bo'lish talablariga muvofiqlashtirish uchun maxsus tarmoq qonunlari MHHlarni ishlab chiqish salohiyatini kuchaytirish

Milliy qonunchilikning JST qoidalariga muvofiqligi tashkilotga a'zo bo'lish jarayonidagi eng muhim talablardan biri hisoblanadi. Shu munosabat bilan loyiha milliy qonun hujjatlarni tahlil qilishda va shu orqali JSTga a'zo bo'lishda talablar bajarilishiga ko'maklashmoqda. O'tgan chorak mobaynida, maxsus iqtisodiy zonalar (MIZ) bo'yicha ishlab chiqilgan sanoat korxonalarini qo'llab-quvvatlash choralari tahlil qilishda yordam ko'rsatildi. Loyiha doirasida JST talablariga mosligini aniqlash maqsadida investitsiya va savdoni rag'batlantirishga oid 18 ta qonunning tahlili bajarildi. Hozirda ushbu tahlil natijalarini sheriklar ko'rib chiqmoqdalar.

3-MAQSAD

Savdo siyosatini ishlab chiquvchi davlat xizmatchilarining JSTga a'zo bo'lish jarayoni va tashkilotning huquqiy asoslarini chuqurroq anglashi


JST kelishuvlarini qo'llash bilan bog'liq masalalar bo'yicha davlat mansabdor shaxslarining malakasi va salohiyatini oshirish hamda texnik yordam ko'rsatish loyihaning mamlakatning JSTga a'zoligidan uzoq muddatda foyda olish imkoniyatini ta'minlash maqsadining asosini tashkil etadi. Ushbu muhim ko'nikma va bilimni oshirishni rag'batlantirish uchun yetti nafar O'zbekistonlik davlat mansabdor shaxslari – Investitsiya, sanoat va savdo vazirligining uch boshqarmasi vakillarining - Shveysarining Berndagi [Jahon Savdo Instituti](#) tomonidan 2023 yil, yanvar va fevral oylarida Qishki akademiya davrida taqdim etilgan savdo siyosati bo'yicha kurslarda ishtirokini moliyaviy

qo'llab-quvvatladi (tafsilotlarni [veb-hikoya](#)da ko'rish mumkin). Ular JSTning chegara choralari va savdoni osonlashtirish to'g'risidagi huquqi; dempingga qarshi va himoya choralari; subsidiyalar va kompensatsiya choralari; va xizmatlar savdosi huquqi va siyosati bo'yicha kurslarda qatnashdilar.



*Davlat mansabdor shaxslari Bernda, Shveysariyada, JSI Qishki akademiyasining savdo siyosati bo'yicha kursida qatnashish imkoniyatiga ega bo'ldilar.
Foto: JSI*

Bu chorakda muhim voqea Toshkentdagi Jahon iqtisodiyoti va diplomatiya universiteti (JIDU) uchun savdo huquqi modulining yakunlanishi bo'ldi. JIDUning huquq fakultetida 2023-yil fevral oyidan e'tiboran xalqaro huquq fakulteti talabalariga ushbu dastur o'tila boshlandi va talabalar ushbu mashg'ulotlarga katta xayrixohlik bildirdilar. Berndagi [Jahon Savdo Instituti](#) JIDU uchun kursni XSM buyurtmasi bilan ishlab chiqdi. Ushbu mashg'ulotlarning boshlanishi institutsional va texnik salohiyatni rivojlantirish maqsadida loyiha doirasida amalga oshirilayotgan muhim ishning avj nuqtasi bo'ldi. Bu esa O'zbekistonga JSTga a'zolik afzalliklaridan uzoq istiqbolda to'liq foydalanish imkoniyatini beradi. Bu mavzuda batafsilroq [veb-hikoya](#)da o'qish mumkin.



*Toshkentdagi Jahon iqtisodiyoti va diplomatiya universitetining xalqaro huquq fakulteti talabalari XSM ko'magida Jahon savdo instituti ishlab chiqqan savdo huquqi kursi bo'yicha dastlabki mashg'ulotda qatnashmoqdalar.
Foto: XSM*

Ushbu o'quv kursi JIDU huquq fakulteti bakalavriat dasturlarining majburiy komponenti sifatida belgilangan. Bu O'zbekistonning JSTga a'ziligini ma'muriy va huquqiy jihatlardan ta'minlash uchun zarur bo'lgan davlat va yuridik doiralarda uzoq muddatli institutsional salohiyatni rivojlantirishga qaratilgan sa'y-harakatning muhim unsuriga aylanadi. Ushbu kurs xizmatlar savdosi, savdo choralari, savdo bilan bog'liq intellektual mulk huquqlari, savdodagi texnik to'siqlar (STT) va sanitariya va fitosanitariya (SFS) masalalari sohasidagi chora-tadbirlar talablari kabi JST bilan bog'liq asosiy mavzularni o'z ichiga oladi. Kursga yordamchi material sifatida XSM tayyorlagan videoni [shu yerda](#) ko'rish mumkin.

4-MAQSAD

Sanitariya va fitosanitariya (SFS) me'yorlariga, savdo-sotiqdagi texnik to'siqlar (STT) sohasida milliy institutsional imkoniyatlarni kuchaytirish hamda JST majburiyatlariga muvofiq savdo-sotiqni soddalashtirish

Faoliyati JST qoidalariga muvofiq **STT va SFS faoliyati bilan bog'liq O'zbekiston muassasalarining** imkoniyatlarini kuchaytirish maqsadida loyiha avval kelishilgan ish rejasini aniqlashtirish bo'yicha muhokamalarni davom ettirdi. Loyiha benefitsarlari bilan kelajakdagi o'quv mashg'ulotlarining mazmuni va tashkil etilishi bilan bog'liq masalalar muhokama qilindi. Ushbu treninglar SFS kelishuvi bo'yicha o'tgan yilning noyabr oyida o'tkazilgan umumiy treningga asoslanadi va ularda ishtirokchilar ushbu sohadagi asosiy qoidalar haqida umumiy tasavvurga ega bo'ldilar. Trening haqida batafsil ma'lumot va texnik yordam ko'rsatish bo'yicha keyingi rejalarimiz maxsus videoda keltirilgan ([HAVOLA](#))

5-MAQSAD

Manfaatdor taraflar, jumladan ayollar uyushmalarining JSTga a'zo bo'lish to'g'risida xabardorligini oshirish

Loyihaning asosiy maqsadlaridan biri xususiy sektor hamda fuqarolik jamiyatining O'zbekistonning JSTga a'zo bo'lishining afzalliklari va jahon iqtisodiyotiga keyingi integratsiyasi to'g'risida xabardorligini oshirishdir. Bu O'zbekistonning JSTga a'zo bo'lishini xususiy sektor tomonidan ijobiy qabul qilinishiga yordam beradi. Xususiy sektor

vakillari bilan treninglar ayollar va yosh tadbirkorlar kabi maqsadli guruhlar bilan faol muloqotda bo'lishga qaratilgan.

Ushbu maqsadni qo'llab-quvvatlashni ko'zlab, xususiy sektor uchun moslashtirilgan ikkinchi o'quv tadbirlar turkumi yanvar oyida boshlandi. 2022 yilning oxirgi ikki choragida bo'lib o'tgan birinchi turkumida JST bilan bog'liq majburiyatlarning umumiy jihatlari va a'zolikdan kutilayotgan foyda qamrab olindi. Shu sababli keyingi treninglar turkumini ixtisoslashtirilgan savdo mavzulariga bag'ishlash qaror qilindi. Xususiy sektorning ushbu ikkinchi turkum seminari mavzusi etib mamlakatning strategik muhim sektori bo'lgan qishloq xo'jaligi va JSTning qishloq xo'jaligi mahsuloti eksportiga tegishli qoidalari tanlandi. Xususiy sektor uchun birinchi turkum treninglari singari, ushbu turkum ham O'zbekiston viloyatlarida tashkil etilib, joriy chorakda hududlarda – Xorazm, Qashqadaryo va Samarqand viloyatlarida hamda Qoraqalpog'istonda o'tkazildi. Batafsilroq [shu yerda](#) o'qish mumkin. Qolgan viloyatlar uchun trening keyingi chorakda davom etadi.

*Xususiy sektordagi
manfaatdor taraflar ushbu
ikkinchi turkum seminarlar
davomida qishloq
xo'jaligidagi savdo bo'yicha
korxonalar va tadbirkorlar
uchun yanvarda o'tkazilgan
seminarda
qatnashmoqdalar.
Foto: XSM*



Axborot xabarnomasidan voz kechmoqchi bo'lsangiz, [ushbu havolaga o'ting](#)